

**ՀԱՇՎԵՏՎՈՒԹՅՈՒՆ**  
**ՍԱՄՎԵԼ ՀԱՐՈՒԹՅՈՒՆՅԱՆԻ ՌՈՒՍԱՍՏԱՆԻ ԴԱՇՆՈՒԹՅՈՒՆ ԳՈՐԾՈՒՂՄԱՆ**  
**ԱՐԴՅՈՒՆՔՆԵՐԻ ՄԱՍԻՆ**

Անունը, ազգանունը	Սամվել Հարությունյան
Զբաղեցրած պաշտոնը	ՀՀ ԿԳՆ գիտության պետական կոմիտեի նախագահ
Գործուղման վայրը և ժամկետները	ք. Մոսկվա (Ռուսաստանի Դաշնություն), 2017թ. սեպտեմբերի 14-ից 16-ը
Հրավիրող կողմը	Հայ Առաքելական Ուղղափառ Սուրբ Եկեղեցու Ռուսաստանի և Նոր Նախիջևանի Հայոց Թեմ
Գործուղման նպատակը	Մասնակցություն Հայ Առաքելական Ուղղափառ Սուրբ Եկեղեցու Ռուսաստանի և Նոր Նախիջևանի Հայոց Թեմի հայագիտական կենտրոնի կողմից կազմակերպված «Հայ Առաքելական Եկեղեցու Ռուսաստանի և Նոր Նախիջևանի թեմի 300-ամյակը. պատմություն և արդիականություն» խորագրով միջազգային գիտաժողովին, որի համակազմակերպիչն էր ՀՀ կրթության և գիտության նախարարության գիտության պետական կոմիտեն
Քննարկված թեմաները	Միջազգային գիտաժողովը նվիրված էր մի շարք հիմնախնդիրների քննարկմանը, ինչպես օրինակ՝ Հայ Առաքելական Ուղղափառ Սուրբ Եկեղեցու Ռուսաստանի և Նոր Նախիջևանի Հայոց Թեմի պատմական ուղին, կայացման փուլերը, Թեմի կողմից իրականացված կրթական, մշակութային և լուսավորչական գործունեությունը և նրա դերը Ռուսաստանի հայ համայնքի ազգային ինքնության և մշակութային ժառանգության պահպանման գործում, ինչպես նաև Ռուսաստանում հայկական սփյուռքի ձևավորման պատմությունը, համայնքի կրթական, լուսավորչական և մշակութային գործունեությունը և Ռուսաստանի հասարակական կյանքում ունեցած ներդրումը:
Հանդիպումները, ելույթները, բարձրացված կամ	Միջոցառման ընթացքում տեղի ունեցան Ռուսաստանում Հայ Առաքելական Եկեղեցու պատմությանը, հայ համայնքի ձևավորմանն ու Ռուսաստանի

<p>քննարկված հարցերը</p>	<p>կրթամշակութային կյանքում նրա դերին նվիրված մի շարք պլենար նիստեր և քննարկումներ՝ Մայր Աթոռ Սուրբ Էջմիածնի, Մոսկովյան պատրիարքության ներկայացուցիչների և այլ բարձրաստիճան հյուրերի մասնակցությամբ: Գիտաժողովին բացման խոսքով հանդես եկավ ՀՀ ԿԳՆ գիտության պետական կոմիտեի նախագահ Ս. Հարությունյանը՝ որպես գիտաժողովի կազմկոմիտեի անդամ և համակազմակերպիչ:</p> <p>Բացի գիտաժողովի շրջանակներում տեղի ունեցած նիստերից և քննարկումներից, Ս. Հարությունյանն առանձնազրույց է ունեցել մի շարք բարձրաստիճան հյուրերի հետ՝ ՀՀ ԿԳՆ գիտության պետական կոմիտեի և Հայ Առաքելական Ուղղափառ Սուրբ Եկեղեցու Ռուսաստանի և Նոր Նախիջևանի Հայոց Թեմի միջև 2016թ. հունվարի 19-ին ք. Մոսկվայում կնքված «Հայագիտական հետազոտությունների ոլորտում համագործակցության մասին» մտադրությունների հուշագրի դրույթների շրջանակներում իրականացվող համագործակցության ընթացիկ ձեռքբերումները քննարկելու, ինչպես նաև համագործակցության նոր եզրեր գտնելու նպատակով:</p>
<p>Հանդիպման կամ հավաքի ժամանակ ընդունված որոշումները, պայմանավորված ությունները, ստորագրված փաստաթղթերը:</p>	<p>Ս. Հարությունյանի հետ զրույցում Ն.Ս.Օ.Տ.Տ. Գարեգին Բ Կաթողիկոսը գոհունակություն է հայտնել ՀՀ ԿԳՆ գիտության պետական կոմիտեի և Հայ Առաքելական Ուղղափառ Սուրբ Եկեղեցու Ռուսաստանի և Նոր Նախիջևանի Հայոց Թեմի կողմից հայտարարված հայագիտական հետազոտությունների նախագծերի աջակցության միջազգային մրցույթի անցկացման ընթացքի և արդյունքների կապակցությամբ: Վեհափառը կարևորել է այս նախաձեռնության շարունակականության ապահովումը և նշել է, որ մրցույթի արդյունքում 2017թ. հունվարից ֆինանսավորման երաշխավորված 6 համատեղ գիտական ծրագրերից յուրաքանչյուրը լուրջ արժեք ունի հայ-ռուսական կապերի խորացման և ամրապնդման գործում:</p> <p>Ս. Հարությունյանը հանդիպել է նաև Մոսկվայի պետական համալսարանի տեխնոպարկի գլխավոր տնօրեն Օլեգ Մովսեսյանի հետ՝ գիտական արդյունքի առևտրայնացման և գիտություն-տնտեսություն կապի ամրապնդմանն առնչվող հարցերը քննարկելու նպատակով: Զրույցի</p>

	<p>ընթացքում Օ. Մովսեսյանը ներկայացրել է գիտական հետազոտությունների առևտրայնացման և նորաստեղծ գիտատեխնիկական ձեռնարկությունների աջակցության ուղղությամբ իրենց կատարած աշխատանքները, ինչպես նաև պայմանավորվածություն է ձեռք բերվել առ այն, որ Մոսկվայի պետական համալսարանի տեխնոպարկը կաջակցի Բորտնիկի հիմնադրամի հետ համատեղ իրականացվող կիրառական հետազոտությունների համատեղ նախագծերի աջակցության «ՀՀ ԿԳՆ ԳՊԿ-ՌԴ ԻԱՀ-2017» միջազգային մրցույթի արդյունքում ֆինանսավորման երաշխավորված ծրագրերի գիտական արդյունքի առևտրայնացմանը:</p>
<p>Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները</p>	<p>Ս. Հարությունյանն առանձնազրույց է ունեցել նաև Հայ Առաքելական Ուղղափառ Սուրբ Եկեղեցու Ռուսաստանի և Նոր Նախիջևանի Հայոց Թեմի առաջնորդ Եզրաս արքեպիսկոպոս Ներսիսյանի հետ: Զրույցի ընթացքում Տեր Եզրաս արքեպիսկոպոս Ներսիսյանը ներկայացրել է Մոսկվայում Հայ Առաքելական Ուղղափառ Սուրբ Եկեղեցու Ռուսաստանի և Նոր Նախիջևանի Թեմի հովանու ներքո հայկական գիմնագիայի հիմնադրման գործընթացի մանրամասները: ՀՀ ԿԳՆ գիտության պետական կոմիտեն հաստատել է իր պատրաստակամությունը ՀՀ կրթության և գիտության նախարարության հետ միասին օժանդակելու գիմնագիայի հիմնադրման և կայացման գործընթացին՝ ուսումնական ծրագրերը կազմելու, համապատասխան մասնագետներ գործուղելու, գրքերի հրատարակման, ինչպես նաև համատեղ ծրագրերի իրականացման հարցերում:</p>
<p>Գործուղվող</p>	<p>Սամվել Հարությունյան</p>
<p>Ստորագրություն, ամսաթիվ</p>	<p>20.09.2017թ.</p>